

Кыраайы үөрэтиигэ олоҕун анаабыта

Нам оройуонун историятын бастакынан сиһилии үөрэппит, сырдаппыт Ытык киһибит

Касьян ОЛЕСОВ-Олук

Дьонун олоҕу олорбут, ССРС социалистической учуотун туйгуна, РСФСР үтүөлээх экономиста, САССР норуотун хаһаайыстыбатын үтүөлээх үлэһитэ, «Килбиэннээх үлэтин иһин» мэтээл кавалера, Нам улууһун Ытык киһитэ, үлэ, тыыл бэтэрээнэ, энтузиаст-кыраайы үөрэтээччи Терентий Иванович Замятин 2025 сыл ахсынньы 6 күнүгэр төрөөбүтэ 100 сылын туолар.

Автобиографията

Мин, Замятин Терентий Иванович, 1925 сыллаахха ахсынньы 6 күнүгэр САССР Нам оройуонун Мурчуку нэһилиэгэр дьадаҥы бааһынай дьиэ кэргэннэ төрөөбүтүм. Аҕам, Замятин Иван Васильевич, кыра сааһыттан батараактаабыта. Сэбиэскэй былаас бастакы сылларыттан колхуос-таах, онтон 1935 с. оробуочай. 1969 с. өлбүтэ. Ийэм, Радионова Александра Петровна, дьадаҥы бааһынай кыһа, өлүөр, бизн-сийэлээх. Бииргэ төрөөбүт бырааттара, балтыта суохпун.

Мин 1935 – 1944 сс. үөрэммитим. 1944 с. Булун оройуонун Тиит Арыы 7 кылаастаах оскуолатын бүтэрбитим. 02/09.1944 с. НКВД Булун оройуоннааҕы отделыгар мл. милиционерынан үлэлээбитим. Бу кэмтэн мин үлэм саҕаламмыта. 1945 с. 14/II доруобуйам туругунан үлэбиттэн тохтообутум. Ол кэнниттэн райсовет культураҕа отделыгар киирэн, 1,5 ыйдаах курсу бүтэрэммин, Быков нэһилиэгэр ааҕар балаҕан сэбиэдиһсэи-нэн командировкаламмытым. Атырдыах ыйын бүтүүтэ онтон ынгыран ЫБСЛКС Булуннааҕы райкомолугар инструкторынан анаабыттара.

1946 с. от ыйыгар доруобуйам туругунан үлэбиттэн босхоло-нон Якутскайга эмтэммитим. 1946 с. балаҕан ыйын 1 күнүттэн Якутскайдааҕы киин статисти-ческой управлениеҕа (ЦСУ) рай-оннай инспектураҕа Улахан Мархаҕа статистигынан үлэбэ ылыллыбытым, онтон участко-вай инспектордаабытым. Якутс-кайга ЦСУ районнай, участко-вай инспектордар курстарын ааһан, 1948 с. бэс ыйыгар ЦСУ Нам оройуонугар участковой инспекторынан аһаммытым.

1951 с. 3/VI Аллараа Халыма оройуонугар ЦСУ оройуоннай инспекторынан аһаммытым. 1953 с. олунньутугар онтон Уус Алдан оройуонугар бу дуоһу-наска көһөрүллүбүтүм. 1959 с. 1/IX диэри үлэлээн баран, САССР статуправлениетыгар үлэбэ ылыллан бастаан тыа



📷 Терентий Иванович Замятин, 1995 с.



📷 Булун оройуонун Тиит Арыы оскуолатыгар

хаһаайыстыбатын секторыгар ст. экономистынан, онтон свод-най отделга үлэлээбитим. 1961 с. ахсынньытыгар капитальной тутуу, промышленность секто-рыгар начальнигынан аһам-мытым. 1962 с. 25/V респуб-лика оройуоннарын уларыта тутууларынан Уус Алдан – Нам оройуоннара холбоспут При-ленскэй райстатыгар террито-риальной инспекторынан аһам-мытым.

1963 с. – 1965 с. олунньутугар диэри Средненскэй оройуон территориальной инспектуры-нан, онтон оройуоннар араа-рыллыбыттарын кэнниттэн 1965 с. ити кэмтэн госста-тистика Нам оройуонунааҕы инспектуратыгар инспекторы-нан 1970 с. олунньутугар диэ-ри үлэлээбитим. Онтон 1971 с. олунньутугар диэри Нам оро-йуонун «Нам» совхозун парт-комунан, салгыы 1975 с. сэтін-ньитигэр диэри Нам оройуонун тыа хаһаайыстыбатын произ-водственной управлениетыгар кылаабынай бухгалтерынан, кылаабынай экономистынан үлэлээбитим.

1975 с. сэтінньититтэн 1986 с. тохсунньутугар диэри Нам оройуонун информационнай-суоттуур станциятын началь-



📷 Т.И. Замятин дьиэ кэргэнэ, 1960 с.



📷 Дьокуускайдааҕы статуправление уонна Намнааҕы РИВС үлэһиттэрин кытта бултуу сылдьан / А. ЗАМЯТИН ТИКСЭРИИЛЭРЭ

ныгынан (РИВС) үлэлээбитим. 06/I 1986 с.-05/XII 1986 с. - пер-сональной пенсионербын. 06/XII 1986 с. – 15/IV 1987 с. Намнааҕы МПМК ВУС начальнигынан, 16/IV 1987 с. Е. Ярославскай ааты-нан Якутскайдааҕы хотугу но-руоттар историяларын үөрэтэр республикатааҕы музей Нам-нааҕы филиалын мл. научнай сотруднигынан үлэлибин.

Орто статистической, үрдүкү партийнай үөрэхтээхпин. Эл-бэхтэ ревизионнай комиссия чилиэнинэн, председателинэн, ССКП ОК партийнай комиссия-

тын председателинэн, сельсовет депутатынан, норуот сэтээтэли-нэн талыллыбытым.

1967 с. «ССРС социалисти-ческой учуотун туйгуна», 14/VII 1978 с. «САССР норуотун хаһаайыстыбатын үтүөлээх үлэһитэ», 22/II 1982 с. «РСФСР үтүөлээх экономиста» үрдүк аат-тары ылбытым. В.И. Ленин 100 сааһынан «Килбиэннээх үлэ-тин иһин», «Үлэ ветерана» мэт-ээллэринэн, үстэ САССР Үрдүкү Сэбиэтин Бочуотунай грамота-ларынан наҕараадалааммытым. ССРС, РСФСР киин статистичес-

кай управлениеларын «Бочуот кинигэлэригэр» киллэрилли-битим.

Дьиэ кэргэним: кэргэним Егорова Александра Григорье-вна, оҕолорбут: Люба, Иван, Андрей, Лена, алта сиэннээхпит.

Аадырым: САССР, Нам оро-йуона, Нам с., М. Аммосов уул., 44, 6 кв., тел.: 2-13-06.

Т.И. Замятин

(1969, 1988 с.с. автобиографияларыттан)